

萬化隨時出三光合度明九霄宮運轉八極自生成

示眾

色身元有限情欲浩無涯癡似蜂貪蜜狂如蝶戀花  
六根誰是主貪欲自招殃一念色心動百骸秋氣傷  
外物於身患狂心不自監病深方省欲禍極始知貪  
最愛三田寶難禁五欲情後生須自重元氣莫相輕  
四大本無託百年還有期眾人皆不悟三教莫能規  
失道本無命得時元有期有無皆自定貪愛復何爲  
紅顏若春樹白髮似秋霜俯仰一時過驅馳三界忙  
繁華媚春雨衰草淡秋煙日月暗相逼古今經幾遷

道藏輯要

礪溪集

三

又曰月集三

羅綺千箱滿金珠萬斛盈只知他物好不覺自心縈  
厦屋千間峻淚田萬畝平自心非實相他物是虛名  
世事無窮變悶愁不測來志心行言之善事少兇災  
禍福相生滅榮枯遞獻酬不窮天外樂那免世間憂  
精神多削弱機巧益巉巖未及開籠鳥還同作繭蠶  
遇戰皆奔北逢迷孰指南身心多自役道德有誰參  
物裏光陰促人間興廢多覺來渾似夢貪得又如何  
彼此眾生性朝昏雜念魔靜觀無以救長歎復如何  
假饒身富貴不及性圓通道德希夷妙春秋殺伐空  
大夢何時覺浮生曠劫迷乾坤無晝夜日月走東西

妙理無由得狂心不奈何念隨空變化精自欲消磨  
愛欲時光短前程地獄深莫教空度日切要緊降心  
寬容無怨害柔弱勝剛強滿口齒先落終身舌未傷  
江海無拘客乾坤自在人子陵猶傲帝王霸不稱臣  
石髓能延壽丹砂解駐顏爲洪遊大海王烈遇深山  
觸情常決烈非道莫參差忍辱調猿馬安閑度歲時  
眞陽加滿腹返壽可齊天世事皆虛耗心神莫倒顛  
像教終難入名言不可求心中無雜念境上得閑游  
浮華皆是夢外物豈能堅若不通三一如何出大千  
可畏風前燭堪嗟水上漚百年如反掌千古暫迴頭

道藏輯要

礪溪集

三

又胃集三

眾生多患難大道苦希微不有神仙福難明造化機  
眾生皆爲口終日苦勞心目眩空花亂身隨萬物淫  
眾生心不盡大道理難明若要開天眼須當滅世情  
日月交加迺朝昏返復催光陰留不住生死突將來  
自然生有漏誰解入無餘不見眼前欲方知心上虛  
有情知道這無事覺心寬造化開天窟精神耐歲寒  
茫茫三界闊混混百邪深萬古常存道羣生不了心  
五福唯高壽三靈獨配人優游閑卒歲放浪不拘塵  
聖賢非道遠功德在人修不向此心覓更於何處求

修道